

中電隨時候命 做好應對颱風準備

風季已至，為應對颱風襲港時對電力系統嘅挑戰，中電已制定並落實各項抵禦及應變措施，並持續密切監察颱風暴雨可能對供電系統造成嘅影響，以確保供電系統安全運作。

為維持穩定供電，中電喺颱風季節前已加強巡查供電設備，採用無人機巡視輸電塔同架空電纜，並安排工程人員修剪有機會對架空天線造成干擾嘅樹木；另外，我哋已經睇水浸風險較高嘅變電站加裝防水閘和防洪設備；颱風季來臨前，我哋亦會舉行模擬演練，確保各部門喺颱風期間能採取迅速、有效嘅應變措施，以應對颱風和惡劣天氣帶來嘅影響。

由於颱風隨時來襲，惡劣天氣可能引致電壓驟降或停電，我哋嘅24小時緊急服務熱線(2728 8333)，將迅速回應客戶查詢，並安排隨時候命嘅緊急服務組，在必要及可行嘅情況下提供最適切嘅支援。

變頻冷氣最慳電？

揀慳電冷氣機要「啱數」

炎炎夏日經常開冷氣機，部機夠唔夠慳電好重要，唔少人都知道變頻式冷氣嘅慳電效能比定頻冷氣高，但除咗變頻、定頻之外，揀慳電冷氣機仲要考慮咩因素？

匹數

首先一定要揀啱匹數。冷氣機匹數愈大，冷氣機嘅製冷能力愈強。揀冷氣機前，除咗根據空間面積，仲要考慮家居嘅實際環境因素，買部夠匹數嘅型號，例如，面積大概80-100呎嘅房間本來需要1匹冷氣機；如果間房屬於西斜方位，就可能需要大少少嘅匹數喇。

如果你揀嘅係變頻冷氣機，更加要注意唔好揀過細匹數，因為當冷氣機唔夠匹數，為咗維持預定溫度，壓縮機就會不斷運轉，慳唔到電之餘，仲可能咁多咗電嘅。

能源標籤級別

根據機電署數據，1級能源標籤嘅冷氣機比3級能源標籤嘅冷氣機，慳大約23%嘅電力，比5級能源標籤嘅冷氣機慳大約43%嘅電力。

以後大家揀冷氣機嗰陣，記得結合實際需要、冷氣機價錢以及慳電程度嚟做比較，選擇最適合你嘅型號喇！

中電變電站華麗變身 成社區特色打卡位

唔知大家有冇發現中電嘅變電站外牆變身成美輪美奐嘅壁畫？

其實呢啲壁畫設計意念全部都係來自一班港專學院、天主教鳴遠中學、曾壁山（崇蘭）中學同埋元朗商會中學嘅年輕學生。佢哋參加咗「中電變電站美化計劃」嘅「友伴同行」計劃，喺港專導師指導下參與工作坊，由港專學生帶領中學生合作，進行分組比賽，分別為西貢、沙田同元朗區三個變電站創作壁畫。

壁畫設計揉合社區地標、歷史文化同環保元素，好似沙田嘅變電站壁畫就呈現咗沙田第一條公共屋邨瀝源邨，西貢嘅變電站外牆畫上單車館同西貢海鮮街，仲有唔同嘅節能減碳元素添。

早前中電舉行咗壁畫繪畫日，邀請咗超過140位社區人士一齊美化變電站，當中包括民政事務專員、助理專員、區議員、各青年委員會成員、學生、長者，仲有中電義工，合力幫變電站變靚啲，為社區增添色彩。



自動轉賬好e時

首次使用仲賺500度度分*

電子收據

自動繳費提示

準時繳費

*優惠受條款及細則約束。

如果你覺得要記住交電費好唔方便，或者容易唔記得交電費，咁銀行自動轉賬繳費服務就咁囉你喇！

由即日起至2025年12月31日，首次成功申請及完成銀行自動轉賬繳費，就可以獲得500度度分，積分仲會自動發放到閣下嘅度度賞賬戶（了解更多積分發放日期同詳情，請揸入嚟查閱活動條款及細則），簡單又方便！

申請自動轉賬繳費，唔止慳時間、免排隊同埋準時繳費，仲可以免費享用自動繳費提示以及電子收據等增值服務；依家再加上額外500度度分獎賞，可以喺度度賞網購平台換取現金禮券或者心儀禮品，千祈唔好錯過呢次優惠呀！

* 優惠受條款及細則約束。

提防詐騙短訊

中電App

一招擊破騙局

Q 最近我收到幾個聲稱來自中電嘅短訊，話我遲交電費，要求我即時搵入去連結付款。點先可以用最安全嘅方法睇到電費單同交電費呢？

A 如果想避免墮入假冒中電短訊騙局，建議你使用中電App嚟查閱電費單以及繳交電費，騙徒無機會呢你，咁就最安全喇！

下載中電App，再啟動埋中電One賬戶，唔止可以睇到總費用同繳費日期，仲可以查埋詳細電費分項、電費補貼餘額等；中電App亦支援支付寶香港(AlipayHK)、微信支付(WeChat Pay HK)、轉數快(FPS)同繳費靈(PPS)等繳費方式，坐喺屋企就可以安全輕鬆交電費，非常方便！

大家亦要記住中電係唔會透過短訊連結要求提供敏感個人資料，或索取任何銀行、信用卡嘅資料或密碼。如果仍然擔心會唔小心揸到可疑短訊嘅連結，都係轉用中電App嚟接收電力賬戶資訊最穩陣喇！